



Broj:  
Mostar,

Na osnovu člana 68. Zakona o hrani („Službeni glasnik BiH“, broj 50/04), člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija za sigurnost hrane Bosne i Hercegovine, p o d n o s i

## **IZVJEŠTAJ O RADU**

### **AGENCIJE ZA SIGURNOST HRANE BOSNE I HERCEGOVINE ZA 2022. GODINU**

#### **I - UVOD**

Agencija za sigurnost hrane Bosne i Hercegovine (u daljnjem tekstu: Agencija) obavlja djelatnosti i zadatke u skladu s odredbama Zakona o hrani („Službeni glasnik BiH“, broj 50/04), Zakona o genetički modificiranim organizmima („Službeni glasnik BiH“, broj 23/09), podzakonskim propisima koji uređuju sistem sigurnosti hrane, kao i zakonskim i podzakonskim propisima koji uređuju funkcioniranje organa državne uprave.

Budžet Agencije odobren je u skladu s Zakonom o budžetu institucija BiH i međunarodnih obaveza BiH za 2022. godinu („Službeni glasnik BiH“, br. 42/22) u iznosu od 1.781.000,00 KM. Odobreni budžet korigovan je za iznos od 31.483,60 KM (od čega 16.838,34 KM prenošenjem sredstava po osnovu donacija iz 2021. godine i uplate u 2022. godini u iznosu od 14.645,26 KM, od Evropske agencije za sigurnost hrane (EFSA) na ime programa posebne namjene (0810010) pod nazivom „Angažovanje asistenta koordinatora“. Prenosom sredstva iz 2021. godine, po osnovu donacije sredstava EFSA – e project Support to National Dietary Surveys – ASH BiH ”Prehrambene navike stanovništva” projekat (0810030), korigiran je budžet za iznos od 41.844,11 KM. Prenosom sredstava iz 2021. godine, u iznosu od 61.722,58 KM i uplatom u 2022. godini u iznosu od 51.340,54 KM po osnovu sredstava IPA 2018 (0810040 - fond 10), korigiran je budžet za iznos od 113.063,12 KM. U 2022. godini su od UNEP-a UN program za okoliš (na ime programa posebne namjene 0810050) donirana sredstva i za projekat – Potpora pripremi Četvrtog nacionalnog izvještaja o provođenju Kartagena protokola o biosigurnosti za BiH u iznosu od 32.159,79 KM tako da ukupno raspoloživa sredstva za 2022. godinu iznose 1.999.550,60 KM.

Ukupno realizirani izdaci (sa stanjem do dana 10.12.2022. godine ) iznose 1.489.000,21 KM što je izvršenje od 74,47% u odnosu na korigirani budžet.

#### **Program 1.1 Procjena, upravljanje i komunikacija rizika porijeklom iz hrane i hrane za životinje**

##### **Projekt 1.1.1 Procjena rizika u oblasti sigurnosti hrane**

Poduzimaju se pripremne radnje u cilju formiranja Savjetodavnog vijeća, Naučnog vijeća i naučnih odbora u skladu sa članom 54. tačka h) Zakona o hrani. Upravni odbor je usvojio Odluku o izmjenama i dopuni Statuta i Odluku o kriterijima za izbor članova Naučnog vijeća i naučnih odbora. U izvještajnom periodu, Agencija je u cilju pružanja naučnih savjeta, te

naučne i tehničke pomoći pripremila i izradila četiri procjene rizika porijeklom iz hrane koje su namijenjene predstavnicima nadležnih inspeksijskih organa za poduzimanje odgovarajućih mjera u predmetnoj oblasti i to: *Diflubenzuron u uzorku kruške (RA-1)*, *Propamocarb u uzorku jagode (RA-2)*, *Aflatoxin u u mlijeku (RA-3)* i *Kadmij u krompiru (RA-4)*.

**EU RASFF sistem** – Agencija je, tokom 2022. godine, zaprimila 34 EU RASFF obavijesti o rizicima porijeklom iz hrane/materijala u kontaktu s hranom. Izvršena je evaluacija obavijesti, pripremanje i dostavljanje obavijesti nadležnim organima u bh sistemu. Agencija je nadležnoj službi EC „SANTE RASFF“, tokom 2022. godine, dostavljala i izvještaje o poduzetim mjerama nadležnih organa u BiH, uzimajući u obzir povratne informacije inspeksijskih organa. Povratne informacije trećih zemalja EC čini dostupnim članicama EU RASFF mreže. Kontakt tačke trećih zemalja, imaju pristup RASFF WINDOW aplikaciji i informacijama koje ih se isključivo tiču.

**Obavijesti izvan EU RASFF sistema** - Agencija je zaprimila ukupno četiri obavijesti izvan EU RASFF sistema koje su na daljnje postupanje i poduzimanje odgovarajućih mjera dostavljene nadležnim organima.

**WHO/FAO INFOSAN mreža** - Od INFOSAN Sekretarijata, tokom 2022. godine, zaprimljene su tri hitne INFOSAN obavijesti, te su dostavljene povratne informacije o poduzetim mjerama u BiH.

**Monitoring hrane** - U saradnji sa nadležnim organima BiH i entiteta pripremljen je i proveden Program praćenja (monitoring) ostataka pesticida u i na hrani biljnog i životinjskog porijekla u 2022. godini. Ukupno je uzorkovano 184 uzoraka hrane, te su vršene analize na prisustvo 192 aktivne materije. Od ukupno 184 analiziranih uzoraka, 100 (54,3%) uzoraka nije sadržavalo ostatke pesticida na nivou kvantifikacije, 82 uzorka (44,6%) su sadržavala ostatke pesticida u/iznad nivoa kvantifikacije, u granicama mjerne nesigurnosti. Dva odnosno (1,1%) uzorka su bila neodgovarajuća.

**Saradnja sa laboratorijima** - Agencija je i u 2022. godini nastavila saradnju sa laboratorijima za kontrolu hrane u BiH. Na osnovu trenutno obrađenih podataka o laboratorijskim analizama, u BiH, je uzorkovano 17.925 uzoraka hrane, od čega je neodgovarajućih bilo 583 ili 3,25% uzoraka.

Na području BiH u 2022. godini je registrirano ukupno 275 slučaj obolijevanja gdje je hrana potvrđena kao uzrok/put prenosa. Trenutno nisu registrirana obolijevanja u epidemijskoj formi.

**Registri** - U skladu s odredbama propisa o hrani Agencija vodi više registara, koji su tokom izvještajnog perioda redovno ažurirani.

### **Saradnja sa međunarodnim i EU institucijama i organizacijama**

**Međunarodna saradnja – Saradnja sa Evropskim autoritetom za sigurnost hrane (EFSA)** - U izvještajnom periodu potpisane su izmjene Ugovora o međusobnoj saradnji između Evropske agencije za sigurnost hrane (EFSA), te je isti produžen do 31.05.2023. godine. U skladu s ugovornim odredbama, eksperti iz BiH su i u 2022. godini redovno učestvovali u radu i na sastancima radnih tijela EFSA-e (Savjetodavno vijeće, Mreža kontakt tačaka, naučne mreže iz oblasti pesticida, kontaminanata, genetički modificiranih organizama, dobrobiti i zdravlja životinja, rezidua veterinarskih lijekova, antimikrobne rezistencije i komunikacije rizika). Agencija je, kao kontakt tačka EFSA-e, u izvještajnom periodu

koordinirala unos podataka iz BiH o ostacima pesticida, ostacima veterinarsko-medicinskih proizvoda, zoonozama, epidemijama uzrokovanim hranom i BSE/TSE za 2021. godinu u EFSA DCF.

**Better training for safer food** - Realizovano je učešće 24 predstavnika iz BiH na 18 treninga u okviru „*Better training for safer food*“.

**IPA 2018** - U izvještajnom periodu nastavljene su aktivnosti u okviru Twinning projekta: *Podrška EU izgradnji kapaciteta i postupnom usklađivanju s pravnom stečevinom EU u sektoru sigurnosti hrane u Bosni i Hercegovini*. U toku 2022. godine, u okviru Projekta, ukupno je održano 39 ekspertske misije koje su za cilj imale poboljšanje sigurnosti i kvaliteta hrane kroz provođenje naprednih nivoa politika o sigurnosti hrane i propisa usklađenih s pravnom stečevinom EU.

**Saradnja sa USAID projektom “Razvoj održivog turizma u Bosni i Hercegovini (Turizam)”** - Kako bi podržala proizvođače čiji prehrambeni proizvodi imaju potencijal za sticanje jedne od registriranih oznaka porijekla, Agencija je, uz podršku USAID-ovog projekta razvoja održivog turizma u Bosni i Hercegovini (USAID TURIZAM), pripremila „*Vodič za dobijanje oznaka geografskog porijekla i tradicionalnih specijaliteta hrane u Bosni i Hercegovini*“, kao i *Informativni letak o zaštiti proizvoda*. Ovi materijali namijenjeni su svim proizvođačima i prerađivačima hrane u BiH koji žele zaštititi oznaku porijekla, oznaku geografskog porijekla ili oznaku garantirano tradicionalnog specijaliteta za svoje prehrambene proizvode.

**Saradnja sa Food and Agriculture Organization (FAO)** – U okviru projekta “Jačanje administrativnog sistema za upravljanje i podršku oznakama zaštite geografskog porijekla (TCP/BIH/3801)”, održano je više treninga o praktičnim alatima za pripremu i procjenu GI specifikacija i izradu plana interne kontrole. Također, kao izlazni rezultat projekta je knjiga za promovisanje kvaliteta proizvoda sa geografskim porijeklom i proizvoda sa potencijalom geografskih oznaka u Bosni i Hercegovini „*Tradicionalni prehrambeni proizvodi Bosne i Hercegovine i potencijal geografskih oznaka*“ i *Vodič za praktičare koji pojašnjava neophodne korake za uključivanje lokalnih proizvoda u nacionalni i EU registar geografskih oznaka, kao i za kontrolu i dokazivanje falsifikovanja i prevare*.

**Projekt Češke razvojne agencije** – U izvještajnom periodu, održane su tri obuke koje su za cilj imale dodatno usavršavanje osoblja laboratorija za kontrolu hrane, od kojih su dvije organizirane u BiH, a jedna u Pragu u Republici Češkoj. U okviru projekta održana je i promocija jednog od ciljeva razvojne saradnje u BiH, kojim se posebno doprinosi procesu integracije BiH u EU, a to je „*Sigurnija hrana: odgovorna poljoprivreda, veterinarske i fitosanitarne laboratorije i inspektorati*“.

**Agricultural Competitiveness and Institutional Strengthening Project (ACIS)** - Agencija je nastavila aktivnosti na pripremi projekta „*Agricultural Competitiveness and Institutional Strengthening Project (ACIS)*“, koji je planiran kao nastavak Projekta poljoprivrede i ruralnog razvoja. U okviru ovog Projekta, u izvještajnom periodu, izvršena je nadogradnja informacionog sistema sigurnosti hrane u BiH (FSIS) sa akcentom na procjenu i komunikaciju rizika.

**Projekt 1.1.2 Koordiniranje izrade propisa usaglašenih sa legislativom Evropske unije kako bi se osigurao izvoz hrane i hrane za životinje, te zaštitili interesi potrošača i proizvođača**

**Propisi o hrani** Na prijedlog Agencije u saradnji s nadležnim organima, Vijeće ministara BiH donijelo je jedan propis i to: *Odluka o izmjenama Odluke o imenovanju članova Vijeća za genetički modificirane organizme („Službeni glasnik BiH“, broj 60/22).*

**Projekt 1.1.3 Implementacija propisa iz oblasti sigurnosti hrane**

**Oblast genetički modificiranih organizama** – Vijeće za GMO, u izvještajnom periodu, održalo je ukupno sedam sjednica. Usvojen je Izvještaja o radu Vijeća za genetički modificirane organizme za period 01.01.-31.12.2021. godine. Doneseno je 13 mišljenja po zahtjevu subjekta u poslovanju sa hranom za životinje za izdavanje rješenja o odobrenju za stavljanje na tržište BiH GM hrane za životinje i tri mišljenja po zahtjevu subjekta u poslovanju sa hranom za životinje za izdavanje rješenja za obnovu odobrenja za stavljanje na tržište BiH GM hrane za životinje. Agencija je na osnovu navedenih mišljenja donijela 13 rješenja o odobrenju za stavljanje na tržište BiH GM hrane za životinje i tri rješenja o obnovi rješenja. Vijeće za GMO je također dalo i jedno stručno mišljenje nadležnim organima i zainteresiranim stranama. Završene su aktivnosti na izradi brošure „Genetički modificirani organizmi u Bosni i Hercegovini“ koja je objavljena na službenoj web stranici Agencije.

**Komisija za priznavanje prirodnih mineralnih, prirodnih izvorskih i stonih voda u Bosni i Hercegovini**

- U skladu s Odlukom o imenovanju Komisije za priznavanje prirodnih mineralnih i prirodnih izvorskih voda u Bosni i Hercegovini („Službeni glasnik BiH“, broj 43/20), Komisija je u izvještajnom periodu, nakon razmatranja, okončala 19 predmeta za priznavanje prirodnih mineralnih, prirodnih izvorskih i stonih voda i donijela Mišljenja o navedenim predmetima. U skladu sa Mišljenjima, Agencija je donijela rješenja o priznavanju prirodnih mineralnih, prirodnih izvorskih i stonih voda. Sve priznate vode upisane su u Registar Agencije. Ažurirana Lista priznatih prirodnih mineralnih voda i prirodnih izvorskih voda u Bosni i Hercegovini kao i Popis stonih voda u Bosni i Hercegovini, objavljene su u „Službenom glasniku BiH“, broj 21/22 i na web stranici Agencije [www.fsa.gov.ba](http://www.fsa.gov.ba). U cilju praćenja sigurnosti i kvaliteta prirodnih mineralnih, prirodnih izvorskih i stonih voda kako prilikom uvoza tako i prisutnih na tržištu Bosni i Hercegovini, Agencija je svim nadležnim inspeksijskim organima poslala obavijest o objavljivanju ažuriranih Listi u Službenom glasniku BiH. Agencija je dostavila nadležnim inspeksijskim organima preporuku za praćenje stanja u oblasti prirodnih mineralnih, prirodnih izvorskih i stonih voda.

**Komisija za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini**

- U izvještajnom periodu, Vijeće ministara BiH usvojilo je Izvještaj o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2021. godinu.

**Upravni odbor Agencije** - je održao 12 sjednica na kojima je razmatran i usvojen Pravilnik o čaju, biljnom čaju, voćnom čaju i instant čaju. Također je usvojen Program rada Agencije za sigurnost hrane Bosne i Hercegovine za 2023. godinu, Program rada Agencije za sigurnost hrane Bosne i Hercegovine za 2022. godinu, Izvještaj o radu Agencije za sigurnost hrane BiH za 2021. godinu i Godišnji izvještaj o izvršenju budžeta Agencije za sigurnost hrane BiH za period 01.01. – 31.12.2020. godine. Upravni odbor razmatrao je i primio k znanju više informacija iz djelokruga rada Agencije,

među kojima su informacije o aktivnostima Vijeća za genetički modificirane organizme u 2021. godini, aktivnostima u oblasti nove hrane, priznavanja prirodnih mineralnih, prirodnih izvorskih i stonih voda, te međunarodne saradnje u 2021. godini.

**Mreža organizacija u području sigurnosti hrane i hrane za životinje** - U skladu s „Odlukom o uspostavi Mreže organizacija u području sigurnosti hrane i hrane za životinje“, a na osnovu prijave na javni poziv Agencije, formirana je Mreža organizacija u području sigurnosti hrane i hrane za životinje kojoj je dosad pristupilo 17 instituta, zavoda i fakulteta.

**Baza eksperata Agencije** - Zadaci Agencije obuhvaćaju i pružanje: naučnih savjeta, te naučne i tehničke pomoći vezano uz ljudsku prehranu u vezi sa zakonodavstvom BiH, kao i pomoći u komunikaciji vezano uz pitanja prehrane u okviru programa zdravstvene zaštite u BiH; naučnih mišljenja o drugim pitanjima vezanima uz zdravlje i dobrobit životinja i zdravlje bilja; naučnih mišljenja o proizvodima, uključujući hranu i hranu za životinje vezano uz genetički modificirane organizme. Imajući u vidu da je za realizaciju naprijed navedenih zadataka Agencije neophodno uključiti akademsku zajednicu i ostale nezavisne eksperte, u tu svrhu Agencija je formirala bazu eksperata, koja se redovno ažurira i u kojoj su do sada prijavljena 123 eksperta iz područja sigurnosti hrane.

**Realizacija zaključaka Vijeća ministara BiH** - U izvještajnom periodu, Vijeće ministara BiH zadužilo je Agenciju za realizaciju jednog zaključka, koji je uspješno realiziran. Realizacija Zaključaka Vijeća ministara BiH je prioritet u realizaciji Agencije.

U segmentu komunikacije sa sredstvima javnog priopćavanja evidentirano je ukupno 64 aktivnosti, među kojima su priopćenja za javnost, izjave za medije te pismeni odgovori na upite medija. Kontinuirana komunikacija s javnošću, odvija se i putem web stranice Agencije na kojoj se objavljuju brojne teme iz područja sigurnosti hrane, uključujući informacije o povlačenju i opozivu hrane s tržišta, kao i sadržaji od interesa za stručnu i opću javnost. U 2022. godini na web stranici je objavljeno 74 informacija u različitim rubrikama (vijesti – 48; javne nabavke – 21, smjernice/vodiči – 2; laboratorije - 3), a također su registrirane i 58.342 jedinstvene posjete sa pregledom od 112.105 sadržaja.

**Odgovori na zastupnička pitanja** – Agencija je u toku 2022. godine pripremila i dostavila odgovore na četiri zastupnička pitanja.

**II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA AGENCIJE ZA SIGURNOST HRANE BIH ZA 2022. GODINU**

**Opći cilj/principi razvoja: Održivi rast**

**Strateški cilj: Brži i efikasniji razvoj poljoprivrede i ruralni razvoj**

**Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH**

**Specifični cilj: Unaprjeđenje sistema sigurnosti hrane**

Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost 2021. godina	Ciljana vrijednost 2022. godina	Ostvarena vrijednost na kraju godine 2022. godina	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
<b>1.1. Procjena, upravljanje i komunikacija rizika porijeklom iz hrane i hrane za životinje</b>											
<b>1.1.1 Procjena rizika u oblasti sigurnosti hrane</b>	<b>02, 03, 04</b>	<b>Broj</b>	<b>274</b>	<b>334</b>	<b>379</b>	<b>Budžet</b>	<b>603.600</b>	<b>544.230</b>	<b>IV</b>	<b>IV</b>	U cilju realizacije ove aktivnosti nije bilo donesenih naučnih mišljenja u izvještajnom periodu. Kako bi se nadomjestilo navedeno, Agencija je pripremila preporuke, mjere i smjernice za daljnje postupanje nadležnim organima i ostalim zainteresiranim stranama.
<b>1.1.1.1 Priprema i provođenje naučnih i stručnih istraživanja i monitoring planova, te izrada mišljenja i preporuka</b>	02, 03, 04	Broj	199	249	244	Budžet	235.400	213.940	IV	IV	U izvještajnom periodu, Agencija je na osnovu obavijesti zaprimljenih putem EU RASFF sistema, INFOSAN mreže i obavijesti izvan EU RASFF sistema pripremila preporuke, mjere i smjernice za daljnje postupanje nadležnim organima i ostalim zainteresiranim stranama. Također su pripremljene i inicijalne procjene rizika porijeklom iz hrane.

1.1.1.2 Prikupljanje i vođenje baza podataka/evidencija	02, 03, 04	Broj	15	15	15	Budžet	157.000	139.490	IV	IV	Agencija je u izvještajnom periodu redovno ažurirala sve uspostavljene baze podataka, čije će ažuriranje i eventualno unapređenje biti nastavljeno kontinuirano i u narednom periodu.
1.1.1.3 Saradnja s međunarodnim i EU institucijama i organizacijama	02, 03, 04	Broj	60	70	120	Budžet	211.200	190.800	IV	IV	U okviru međunarodne saradnje, u izvještajnom periodu osigurano je učešće predstavnika svih nivoa vlasti na obukama koje su realizirane u saradnji s međunarodnim organizacijama.
<b>1.1.2 Koordiniranje izrade propisa usaglašenih s legislativom Evropske unije, kako bi se osigurao izvoz hrane i hrane za životinje, te zaštitili interesi potrošača i proizvođača</b>	<b>02, 03,04</b>	<b>Broj</b>	<b>160</b>	<b>163</b>	<b>161</b>	<b>Budžet</b>	<b>658.400</b>	507.900	<b>IV</b>	<b>IV</b>	U izvještajnom periodu urađen je jedan propis, a što je prikazano u tabeli za izvještaj za podzakonske akte.
1.1.2.1 Propisi o hrani	02, 03, 04	Broj	160	163	161	Budžet	658.400	507.900	IV	IV	U izvještajnom periodu urađen je jedan propis, a što je prikazano u tabeli za izvještaj za podzakonske akte.
<b>1.1.3 Implementacija propisa iz oblasti sigurnosti hrane</b>	<b>02, 03, 04</b>	<b>Broj</b>	<b>800</b>	<b>1000</b>	<b>1030</b>	<b>Budžet</b>	<b>567.000</b>	<b>436.870</b>	<b>IV</b>	<b>IV</b>	Agencija je i u toku 2022. godini nastavila sa aktivnostima koje su se odnosile na implementaciju propisa iz oblasti sigurnosti hrane, a što je detaljnije prikazano u nastavku tabele.

1.1.3.1 Koordiniranje u vezi s hitnim slučajevima, rješenja za odobravanje za stavljanje na tržište hrane, pojašnjenje, tumačenje i odgovori u vezi implementacije propisa	02, 03, 04	Broj	800	1000	170	Budžet	521.600	401.920	IV	IV	U segmentu komunikacije sa sredstvima javnog priopćavanja evidentirano je ukupno 64 aktivnosti, među kojima su priopćenja za javnost, izjave za medije te pismeni odgovori na upite medija. Kontinuirana komunikacija s javnošću, odvija se i putem web stranice Agencije na kojoj se objavljuju brojne teme iz područja sigurnosti hrane, uključujući informacije o povlačenju i opozivu hrane s tržišta, kao i sadržaji od interesa za stručnu i opću javnost. U 2022. godini na web stranici je objavljeno 74 informacija u različitim rubrikama (vijesti – 48; javne nabavke – 21, smjernice/vodiči – 2; laboratorije - 3), a također su registrirane i 58.342 jedinstvene posjete sa pregledom od 112.105 sadržaja. Dostavljen je i veliki broj odgovora na upite subjekata u poslovanju s hranom, nadležnih organa svih nivoa vlasti i ostalih zainteresiranih strana. Također su praćene aktivnosti u radu Vijeća za genetički modificirane organizme, Komisije za priznavanje prirodnih mineralnih, prirodnih izvorskih i stonih voda u Bosni i Hercegovini i Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini te je u okviru ovih aktivnosti doneseno ukupno 32 rješenja u upravnom postupku.
1.1.3.2 Upravljačka i aktivnost podrške	02, 03, 04	Broj	50	50	60	Budžet	45.400	34.950	IV	IV	Agencija je u izvještajnom periodu izradila sve strateške dokumente koji su bili planirani Programom rada. Također su u skladu s planiranom dinamikom izrađeni finansijski izvještaji, kao i realizirani zaključci Vijeća ministara BiH.

Napomena:

02 SEKTOR ZA PRAVNE I FINANSIJSKE POSLOVE;

03 SEKTOR ZA NAUČNU SARADNJU, PROCJENU I KOMUNIKACIJU RIZIKA;

04 SEKTOR ZA UPRAVLJANJE RIZICIMA, GMO, HRANU ZA ŽIVOTINJE, CERTIFIKACIJU I OZNAČAVANJE HRANE



**III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BIH ZA 2022. GODINU**

**Opći cilj/principi razvoja: Održivi rast**

**Strateški cilj: Brži i efikasniji razvoj poljoprivrede i ruralni razvoj**

**Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH**

**Specifični cilj: Unaprjeđenje sistema sigurnosti hrane**

Naziv zakona	Vrijeme provođenja		Status zakona zaključno sa 31.12.2022. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
<b>1.1 (naziv programa)</b>							
<b>1.1.1 (naziv projekta)</b>							
1.1.1.1 (naziv zakona)							
1.1.1.2 (naziv zakona)...							
<b>1.1.2 (naziv projekta)...</b>							
<b>1.2 (naziv programa)...</b>							

**IV - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2022. GODINU**

**Opći cilj/principi razvoja: Održivi rast**

**Strateški cilj: Brži i efikasniji razvoj poljoprivrede i ruralni razvoj**

**Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH**

**Specifični cilj: Unaprjeđenje sistema sigurnosti hrane**

Naziv podzakonskog akta	Vrijeme provođenja		Status podzakonskog akta zaključno sa 31.12.2022. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3			4	5	6
<b>1.1 Procjena, upravljanje i komunikacija rizika porijeklom iz hrane i hrane za životinje</b>							
<b>1.1.2 Koordiniranje izrade propisa usaglašenih sa legislativom Evropske unije, kako bi se osigurao izvoz hrane i hrane za životinje, te zaštitili interesi potrošača i proizvođača</b>							
1.1.1.1 Odluka o izmjenama Odluke o imenovanju članova Vijeća za genetički modificirane organizme	III	III	DA	DA	DA	DA	Odluka o izmjenama Odluke o imenovanju članova Vijeća za genetički modificirane organizme objavljena u „Službenom glasniku BiH“, broj 60/22

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2022. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2022. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
<b>1.1 (naziv programa)</b>							
<b>1.1.1 (naziv projekta)</b>							
1.1.1.1 (naziv međunarodnog ugovora)							
1.1.1.2 (naziv međunarodnog ugovora)...							
<b>1.1.2 (naziv projekta)...</b>							
<b>1.2 (naziv programa)...</b>							

**VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2022. GODINU**

**Opći cilj/principi razvoja: Održivi rast**

**Strateški cilj: Brži i efikasniji razvoj poljoprivrede i ruralni razvoj**

**Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH**

**Specifični cilj: Unaprjeđenje sistema sigurnosti hrane**

Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5

**VII - IZVJEŠTAJ O PROVEDENIM JAVNIM KONSULTACIJAMA KOD IZRADE IZVJEŠTAJA O RADU AGENCIJE ZA SIGURNOST HRANE BIH ZA 2022. GODINU**

U skladu s odredbama Odluke o godišnjem planiranju rada i načinu praćenja i izvještavanja u institucijama Bosne i Hercegovine ("Službeni glasnik BiH", broj 94/14), proveden je postupak javnih konsultacija o Izvještaju o radu Agencije za sigurnost hrane BiH za 2022. godinu. Prednacrt izvještaja o radu je objavljen na službenoj web stranici Agencije za sigurnost hrane BiH ([www.fsa.gov.ba](http://www.fsa.gov.ba)) u dijelu koji se odnosi na javne konsultacije, isti je prošao **e konsultacije** na službenoj stranici Ministarstva pravde BiH i dostavljen na mišljenje Uredu za zakonodavstvo BiH, Ministarstvu finansija i trezora BiH i Ministarstvu vanjske trgovine i ekonomskih odnosa BiH.

**DIREKTOR****Dr. sci. Džemil Hajrić**